



জনসংযোগ কার্যালয়
জাহাঙ্গীরনগর বিশ্ববিদ্যালয়
সাভার, ঢাকা, বাংলাদেশ
ফোন: ৭৭৯১০৪৫-৫১



প্রেস বিজ্ঞপ্তি

জাবি অধ্যাপক বিশিষ্ট পদার্থবিজ্ঞানী ড. এ এ মামুন বিশ্বের
সেরা বিজ্ঞানীদের তালিকায় স্থান লাভ করায় উপাচার্যের অভিনন্দন

জাহাঙ্গীরনগর বিশ্ববিদ্যালয়, ১০ নভেম্বর ২০২০।

মার্কিন যুক্তরাষ্ট্রের স্ট্যামফোর্ড বিশ্ববিদ্যালয়ের জরিপে পৃথিবীর সেরা বিজ্ঞানী হিসেবে জাহাঙ্গীরনগর বিশ্ববিদ্যালয়ের পদার্থবিজ্ঞান বিভাগের অধ্যাপক ড. এ এ মামুন স্থান লাভ করেছেন। ২০২০ সালে বিশ্বব্যাপী সেরা বিজ্ঞানীদের মধ্যে শতকরা দুইভাগ (টু পার্সেন্ট) বিজ্ঞানীদের নিয়ে প্রকাশিত তালিকায় অধ্যাপক ড. এ এ মামুন স্থান লাভ করায় জাহাঙ্গীরনগর বিশ্ববিদ্যালয়ের উপাচার্য অধ্যাপক ড. ফারজানা ইসলাম তাঁকে অভিনন্দন জানিয়েছেন। এক অভিনন্দন বার্তায় উপাচার্য বলেন, অধ্যাপক ড. এ এ মামুনের এ সম্মান বিশ্ববিদ্যালয়ের খ্যাতি ও সুনাম আরও বৃদ্ধি করেছে। তাঁর এ গৌরবে বিশ্ববিদ্যালয় ঋদ্ধ হয়েছে। উপাচার্য খ্যাতিমান বিজ্ঞানী অধ্যাপক ড. এ এ মামুন-এর উত্তরোত্তর সাফল্য ও দীর্ঘ কর্মময় জীবন কামনা করেন।

উল্লেখ্য, অধ্যাপক ড. এ এ মামুন কমনওয়েলথ স্কলারশীপ নিয়ে ইংল্যান্ডের সেন্ট এ্যান্ড্রুস বিশ্ববিদ্যালয় থেকে পিএইচ.ডি ডিগ্রি অর্জন করেন। তিনি জার্মানির হোমবোল্ট পোস্টডক ফেলো। তিনি বাংলাদেশ একাডেমি অব সায়েন্স কর্তৃক জুনিয়র ও সিনিয়র গ্রুপে স্বর্ণপদক লাভ করেন। এ ছাড়াও তিনি জার্মানি থেকে অতি সম্মানজনক ‘ব্যাসেল রিসার্চ এ্যাওয়ার্ড’ পাওয়ার গৌরব অর্জন করেন। বর্তমান পর্যন্ত একমাত্র বাংলাদেশী হিসেবে অধ্যাপক ড. এ এ মামুন এ গৌরব অর্জন করেন। বিশ্বের খ্যাতনামা গবেষণা জার্নালে তাঁর প্রকাশিত গবেষণা প্রবন্ধের সংখ্যা ৪১৭।

Signature

মো. আবদুস সালাম মিঞা
পরিচালক (ভারপ্রাপ্ত)

